

АСССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№ 7 (108) ИЮЛЬ 2008 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / ражаб 1429 г. Багъа 15 къуруш.

МУБАРАК

Уркѣцѣла веГ Аллагъла уличил

**АХИЕРТИ ДИННА
УЗБИ ВА РУЗБИ!**

Дурхъати хяббузри – Ражаб, Шягбан ва Рамазан бузри дехдихъниличил бархбасахъи, хлуша мубаракдирулра.

Сен хъархъли аркъулил замана! Хѣра сагали сабаиб баракатла РАЖАБ баз. Ил дурхъати хябалра базлизибад (Ражаб, Шягбан ва Рамазан) цаибил саби. Къудратла ВеГ Аллагъли сунела лугърас лерглер халати гяхдешуни дируси баз саби. Хяббузрумазир бусурман адамтани дарибти гяхти баркъудлумас Къудратла ВеГли чуйналира сера имцали гяхдешуни дирути сари ва чузирад кадикибти бунагъуначи муклурбакибти ва илди тавбадарибтала къасани Аллагъли ункъли чедиути сари ва гердурцути сари.

Къудратла ВеГ Аллагъли гибси илгъуна имкан пайдалахѣбарили батес асухѣбирар. Бусурман адамлис рухла шайчив умувизс гяхси имкан саби ил.

**Дагъиста бусурмантала динна
Идарала председатель,
муфтий Гяхимад-хяжи ГЯБДУЛЛАЕВ**



САГАСИ ЖУЗ БУЧИУЛИ

Гъазикъумукълан
ЖАМАЛУДДИН-АПАНДИ

Адабул Марзийят Гяхти адабти

(хъарахъуд)

Хябъибил бек!

Чевяхси Аллагъли сунела агълула сиррурти умударабну, Накъшубандила тарикъатла чебяхидеш адабти баяндарнилизиб саби.

Хуни багъи! — накъшубандила тарикъат или биклар тлагъатунала бегла дурхъасиличивли гѣбадатличи даимвиънилис. Илала мурад Аллагъ гъанушни саби. **Накъшубандила тарикъатла адабтира ишдигъунти сари:**

1. Къуръайчира Сунналичира чекайзни.
2. Суннатла агълула пикрумагив умцъниличи урклила къас балбикахъни.
3. Марти тавбу, зулмурти чардатни, хѣкъанала бегтазибад хялалдеш сасни.
4. Идбагла сунналичи чекайзури гѣбадат бирни.
5. Шаригъятличибли гямам бирниличи къабулкайкни.
6. Гъар мункарли биубсилизивадра бидгъяли биубсилизивадра гъарахъли уъни.
7. Лерилра уряхли диубтазивадра гяйибли диубтазивадра гъарахъли уъни.
8. Гъар гямайчи чебиличи къяйда къас бирни ва дебали чараагарли хѣбиалли, ил балтхѣбалтни.
9. Рухса-хярамсиличи мешубарнира дебали чараагархѣкалли, саби хѣбирни.
10. Лерилра анцбукъуназиб мяхкамли биубси буцни.
11. Гяйибла диубти, гъалаквиряхъути секлайзиवाद гъархѣиркни.
12. Чучив разивути гапли диубти тлабигъатуначи кайзни.
13. Имцъси гъанкѣра, имцъси беркалара, имцъти гъайра гъарахъли датни.
14. Беркайзибад хялалси ахѣнси хѣбукни.
15. Урки бячничивли чевяхси Аллагъли хяжатаркни даимбарни.
16. Лерилра анцбукъуназив Аллагълициун хъарихъни.
17. Дунъяла хъайзибад урки бердахъни.
18. Аллагъли къадарбарисиличи разивиркни.

Ишди адабти дуцибси чи виаллира, ил пачнала пачахличи виур.
Хуни багъи! Чи виаллира «**Ла илагъа илла ллагъла**» зикру бирнилизив къайгичевли, илала файз хясулхѣбирули, ишди адабтазиवाद ца адаблизир хилифдеш дирули виъни багъандан саби, сенахѣнну адабтазир камси секлайчибира хилифдеш дирнили халаси зарал чебиру.

» 4-5

Номерлизир:

2

ДИН ВА НУША

**ИСЛАМЛИЗИБ
ВАСИЯТ**



3

ГЯЛИМ
ГЪАНИРКАХЪУЛИ

**АБУЛМУСЛИМ
ГУБДАЛАННА
ПЕРГЪАСИГЪУНА
ХЯНЧИ**



6

САГАСИ ЖУЗ
БУЧИУЛИ

**АЗАН ЧИ БАГЪАН-
ДАН ЗАЙБИКУЛИ...**



8

АРХИТЕКТУРА

**МОСКВАЛИЗИБСИ
БАХЪХИЛА
МИЖИТ**



РАЖАБ БАЗЛИЧИЛА



дирути гяхдешуни дурили тамандарес хѣйрар. Базлизир лерти лерилра бурхназив чи дубурцаллира, чедибад илизи тламабиклар: «**Ва, валяялагъ, хѣчи халаси разидеш хѣрли саби цархилти лебтачилра ил бархила къияндешунала пашмандеш хѣрли сабхѣли**».

Ражаб баз Къудратла ВеГли дургъби, къалмакъар, чеббирцни къадагъадарибти – Ражаб, Зуль-Къагада, Зуль-Хиджа, Мухаррам бузразибад ца саби.

Ражаб баз Аллагъла базлизи халбируси саби, ил базлизир Къудратла ВеГли дахъал гяхдешунира савгъатунира дурхъни багъандан.

Ражаб базла цаибил хамис бархи дубуцира гяхси саби. Ил жумяг дуги биалли – шаладикайчи Аллагълис улгули. Ил дугилис–Лайлат-уль-Рагъаиб биклар.

Ражаб базла 27-личив нушала дурхъаси Идбаг Гяршличи ахъуцила дурхъаси анцбукъра кабикисири – Аль-Исраг валь-Миградж. Ил бархи дубуцира дурхъаси саби.

Дурхъаси Идбагла хяйдисуназибад цализиб бурули саби: «**Декѣес гъалар паргъатдиэсдигулидиадалли, талихила ахир дигули диадалли (иманнизир дебкѣес), шайтайзирад дерцес къас леб биалли, илди бузрала хлурматбиреная, садакъа буртѣеная, бунагъуни тавбадиреная**».

Ражаб баз Къудратла ВеГли дахъал гяхдешуни дируси баз саби. Ражаб базлизив чи дубурцаллира, илис

ИСЛАМЛА КАЛЕНДАРЪЛИЗИРАД



РяхИму-уркIеџи

Аллагъла Расул ﷺ виклусири: «Ванзаличиб лebtачи хIушани ряхИму-уркIеџи дирена, илхIели зубразивсили хIушачира уркIеџи биру» (Бухари).

Шагьид

Идбагли ﷺ иб: «ШубехI адам-ти шагьидуни саби: вабаълизиб-бад бекIибти, даргла изайзибад бекIибти, шиннизиб кягибти, гьятIбиълумала удиб калун-ти ва Аллагъла гьуйчиб алхунти». (Бухари).

Бархбасуни дузахъни

Гумарли ﷺ бурни хIясибли нушачи баили саби, Идбагли ﷺ ишкъяйда ибсири: «ХIурмат бирнила бегIлара чихъ-си даража адамли сунела дудешлис дигахъули калунти адамтала хIурмат бирни саби». Ил хIядисла цархIил вариантлизиб бурули саби Идбагли ﷺ ишкъяйда иб или: «Гьарли-марли, хIурмат бирнила бегIлара черяхIти журабазибад ца саби, вегIла дудеш вебкIили гIергъи, илис дигули буиб-ти адамтачил гIяхIти бархбасуни дузахъни» (Муслим).

ДехIиба къадри

Абу ХIурейрани бурни хIясибли нушачи баили саби Идбагли ﷺ ишкъяйда бурибсири или. Аллагъла Расулли ﷺ адамтази хьарбаили уили сай: «Бурая, хIушазивад чидилла-дигара юртла унзала гьалаб хIеркI кабухъ-унси биалри ва хIуша илизир гьар бархIи шуйна дизути диадалри, илала гIергъира цалра нясдешли-зив кавлив?» Илдани жаваб бедили саби: «Нясдешунала къел-хIерзилра кахIевли». ИлхIели Идбаг ﷺ виклули сай: «Ил бирни гьар бархIи шудехI дехIибала дирниличил цугбуцес вирар, илди багъандан Аллагъли хIушазивад гьарилла бунагъуни ушкули сай» (Бухари).

Тавба дирни

Аллагъла Расулли ибсири: «Эй адамти, Аллагъла гьалар тавба дирена, нуни биалли, гьарли-марли, гьар бархIи Илала гьалар даршна тавба дирулра!» (Муслим).

Алжанала къапу

Балахъули саби Анасли ишкъяйда иб или: «Идбагли ﷺ иб: «Бусурмантазивад чила-биалра балугълахIебаибти хIябал дурхIя бекIалли, илди дурхIначи Сунела уркIеџи барили, Аллагъли гьарли-марли ил алжайзи айцахъу». (Бухари, Муслим).

ДИН ВА НУША

Исламлизиб васият

Васият—мягничебси В сунна саби. Идбагла ﷺ хIядисунала цализиб бурили саби: «Васият бареси лебси бусурман адамлис цахIнабяхъили хIядурси васият агарли клел дуги деркIес асухIебирар».

Васият гьарли-марсилизи халбируси саби, эгер ил балугълаваибси, лагъ-дешлизивад азадси адамли барибси биалли, хIятта ил капур виаллира. Васият марсиахIенсилизи халбируси саби ил дагъриагарси, гьапулдеш-лизивси адамли, виштIаси дурхIяли, лагъли барибси биалли. Васият барес асубируси саби убкIуси бархIи лебси лебилра масла хIябал бутIала ца бутIацун.



Васият белгиси адамлис барили биалли, ил адам вегIли ветаруси сай «Наб васият барибси лебдеш нуни наб кабулбирулра» или гIергъицун. Эгер ил сунес васият барибсилизи-вад гIелумилзули виалли, лебдеш вебкIибсила букьуртас кавлуси саби.

Васият белгили ахIенти адамтас барили биалли, масала, или виалли: «Иш нуни мискинтас васиятбирулра», илхIели илди мискинти лебдешла бегIти бетарути саби васият барибси вебкIибмад ва илдачиб чебси ахIен «Иш лебдеш нуни кабулбирулра» бикIес.

Васият селичил-биалра шартIли-бирахъес асубируси саби мицIирли левалли яра вебкIили гIергъи, масала, васият бирусил эс вирар: «ХIясан Гумарла юртлизи ацIалли, ну вебкIили гIергъи, илис нуни 1000 къуруш васият дирулра. Васият дарес асубируси саби белгиси лебдешцун ахIенну, кайсути (селизирад-биалра) доходунира, масала, : «Нуни ХIясайс пулан тукейзибад башуси хайри яра илала бутIа васият бирулра». Васият бирусил замана агарси се-биалрара васият барили биэс бирар, масала, адамли васият дирули виэс вирар галгубачир дакIайчи илдачир ляркъути цедеш: «Нуни иш галгала цедеш

Ибрагъимлис васият дирулра». Васият барес вирар гьачамлис сунела битIакI, къадар белгили ахIенси лебдешра, масала: «Нуни дила къя бурхIелизирти ний васият дирулра». Васият цахIнабирхъуси замана васият барес хIейруси лебдешра васият барили биэс бирар, масала: васият барес вирар гьаббухъунси хIяйван.

Васият барили биэс бирар умуси ахIенсира. Масала: «Нуни васият бирулра бяркьурси хя». Васият дарили диэс хIедирар пайдаладарили диэс хIедирути нясти секIал, масала, чягъ-ир, цура ва цархIилти.

Васият диннизивад гIелумизурси адамли булан барес вирар. Васият барес вирар букьурлис, эгер ил барахъес цархIилти букьурти кабул-биркули биалли.

ДурхIяла канилизив левалси дурхIялис булан лебдеш васият барес вирусил сай. Эгер адамли се-биалра васият барили виалли ва илала гIергъи илизивад гIелумизурли виалли, «Дила васият нуни булзулра» или,--илхIели васият уббирхъуси саби.

Сунес се-биалра васият барибси адам ил васият барибсичив гьалав вебкIалли, илхIелира васият уббирхъуси саби. Эгер ил васият барибсичив къанни вебкIалли, амма «Нуни васият кабулбарира» айчи, сунес васият барибси букьурлизиб ихтияр лебси саби васият бирусил секIал кабулбарес яра илизивад гIелумизес.

Суннализи халбируси саби сунела чеблума чардарахъес васият барни, илкъяйдали шаригIятли иличи чердирахъути секIал тамандарни. Васият таманбарахъес хьарбарибси адам белгиварни гIяхIси саби. ИлхIелира ил барес шартIли кавлути сари ил балугълаваибси виъни, лагъ хIейъни, бархъдеш ва васият таманбарес ахъри лебни, цархIилван буралли, ил зягIипсили виэс гIягIниси ахIен, дебели ухъналира, илини бузахъуси динра исламли биэс гIягIниси саби.

Илкъяйдали шартIли бирусил саби ил васият таманбарес ил бирусил вебкIайчи кабуликни. Гьарилла-васият бирусил ва ил таманбирусил-ил барес гIелумизесра имкан лебси саби. Илала дурабад хIисаблизил касили биэс гIягIниси саби, васият бирусил лебдеш (хIябал бутIала ца бутIа) чеблума ахъили гIергъи калунси биэс гIягIниси саби. Лебилра лебдеш чеблума дедес биули хIебиалли, васият таманбирусил ахIен.

Адамли сунела уркIила жи хIясибли дирути вакъпу, садакъа, цархIилти сай гIяхIулалли дирути секIал лебилра лебдешлизирад дирути сари. Эгер илини ил бирули виалли вебкIес замана баибси замана, илхIели харжани лебдешла хIябал бутIала ца бутIализирад дирути сари, хIятта васият барибси лебдешла хIябал бутIала ца бутIаличиб гьатIира халаси биаллира.

**МухIаммад МУХIАММАДОВ,
ДУМД-ла экспертла отдела
хIянчизар**

ХIЯМАС

Гьарил
гIяхIси
баркъуди
ряхIму саби

РАГЪАИБЛА ДУГИ

Ражаб базла цаибил жумягI дуги МухIаммад Идбагла ﷺ бегIтала магъар дихъибтири. Ил дугилис Лайлат-уль – Рагъаиб биклули саби. Рагъаибла мягIни – Аллагъ чевверхни, сунела лугърачи халаси уркIеџибарни, дехIибултира балгнира кабулдирни иргъахъуси саби.

ЖумягI дугилира бархIилира нушаб ашкарли ахIенти дахъал секIал духIнадуцили сари. Ил багъандан илди дуги-хIери улгули, калунти дехIибулти черихъули, тавбади-рули, садакъа буртIули, зягIиптачи гьаввиклули, биштIати разибирули, бегIгачи, тухумтачи дашули, вегIла бегIгас балга-дугIя дирули деркIни къулайси саби.



Идбагла ﷺ бегIти

МухIаммад идбаг-ла ﷺ дудешра нешра Маккализирти бегIлара машгурти къаманазибад цализи халбируси къурейшунала къамлизибадти сабри.

Аллагъла Расулла ﷺ дудеш ГIябдуллагъ бин ГIябдулмутIалиб Гьашимхъала жинслизивадси сайри ва, цацадехI баянти хIясибли, ил КягIбала умхъни дихIян сайри. Идбагла ﷺ неш Амина бинт Вахб Загъра биклуси жинсла бекIла рурси сарри ва къурейшунала хъунул адамтазирад гIяхIисгъунализи халрирусири. Хъаллавиубли камси замана дикибхIели, ГIябдуллагъ вачарла къуллукъуначил архIяли дуравхъунси замана зягIипикибсири ва Мадинализив вебкIибсири. Илис сунела урши чезс къадарбиубси ахIенри. ИлхIели Идбагла ﷺ дудеш 25 дусцун сайри виубси.

ГЯЛИМ ГЪАНИРКАХЪУЛИ



Мяхлямматрасул Гямаров,
Дагъиста бусурмантала идарала
пресс-секретарь.

mr-omarov@mail.ru

Абулмуслим Губдаланна гӀергъисигъуна хӀянчи



Камси гъалабван Абулмуслим Губдаланна урус мезли белкӀунси «Как прекрасен Ислам!» бикӀуси жуз дурабухъун. Абулмуслимли дураибти жузазибад ил вецӀибил сабри.

1997 ибил дуслизиб илини «Исламла учитель» бикӀуси жуз балкъаахъур, сабира клел бутализибад цалабикибси. КӀиибил жуз Къуръаннизибад учӀнила правилобас хасбариссири. Ил илин ил жузли-зир Казаньнизир дураибти Къуръанна ва Маккализир дураибти Къуръанна жузазирти каллиграфияла шайчирти хасдешуни баяндариб. Ил илин хӀябъибил жузра дураиб—илизир Исламла хълчни саркъахъили баяндариб, хӀяж барес башутас насихӀатуни дуриб. Абулмуслимли дебали жагати хатли луклес бали, сенкӀун ил художникра сайри. 1997 ибил дуслизиб Абулмуслим Губдалай «ХӀяж ва умра» бикӀуси жузра дураиб. Ил жуз дарган мезли сабри белкӀунси ва хӀяжликъянабас дебали урабагиб.

1999 ибил дуслизиб Абулмуслимли кларахъан мезличибад ХӀясан Хильми-апанди Кахибланна «Супнала этика» бикӀуси жузра шурбатур. Ил Гялимла тарикъатлис ва илала устазунас хасбарисси халаси гӀилмула хӀянчи сабри.

2001-ибил дуслизиб Абулмуслим Губдалай урус мезли «Ты не веришь Аллагъу?» бикӀуси халали ахӀенси брошюра дураиб. Илизиб адамлис гӀямрулизиб дин гӀягӀниси биъни чебе-таахъили баянбариб.

2002 ибил дуслизиб илин Гяраб

ХӀЯЖ

Багъудлуми даргес умцӀули гъуйчи дуравхъунсилис Аллагъли алжайзи гъуни гъамадбиру



мезли бучлес бурсибиез дигутас хасбарисси алфавитличилси кисализиб бихуси жузра дураиб. Илкъяйдали илин чумал дус хӀянчи барили, гӀяраб мезличибад дарган мезличичи шурбатур ва дураиб лебилра дунъялис маш-гъурси суфийский шайх Жамалудин Гъазикъумукъланна «Адабул марзийя» бикӀуси жузра. Ил илин гӀурра чумал гӀилмула хӀянчи делкӀун. Илала бегӀла гӀергъиси хӀянчи сабри урус мезли белкӀунси «Как прекрасен Ислам!» бикӀуси жуз.

Илкъяйда, Абулмуслим Губдалан Дагъистайзиб бусурман дин мицӀирбиахъес ва тӀинтӀбиахъес дахъал къайгъни дакӀударибти гӀялимтазибад ца сай.

Аллагъли сунела хӀяб нурли бицӀахъаб! Амин.

Халикъов Абулмуслим-хӀяжи Губдалан Къарабудагъкентла районна Губденила шилизив 1942 ибил дуслизив акӀубсири. Камти гӀямруличив левалли гӀярабла гӀилмулизи ахъибсири. Губденила ши мурталра динничи чекабизурдешличил ва бахъал делчӀунти адамти лебниличил декларбулхъусири. Абулмуслимра жявли Къуръаннизибад учӀес бурсивууб. Гъала-гъала ил сунела шилизибадти маллубачив учӀусири, гӀур биалли Лавашала районнизибра гӀилмули учӀули калун. Мурегала шила жамигӀятли тиладибарни хӀясибли Абулмуслим 1981 ибил дуслизив мижитла имам виубсири ва 1989 ибил дусличи бикайчи ил къуллукъ бузахъули калун. Сунечи хъарти хӀянчи жавабкардешличил ва чедетаахъили дирули, халкъла ургаб халаси хӀурмат сархес бажардикиб. Илди дусми биалли Исламлис гъамадти ахӀенри, сенкӀун бусурмантас гӀелабадкабиркули лебалри. Мижитунни парторганта-ла хӀерудилиур сарри, дахъалгъунти мижитунни къяпӀли лералри.

Дин тӀинтӀбирахъес къадагъабирулри. Абулмуслимраитди дусмазивдебали къиянти шуртӀразив калунсири, сенкӀун илисра гӀелабадкабиркутири. Амма ил мутӀигӀеклеиб, туснакълизи катур виаллира. Ил дин тӀинтӀбирес даими-уб. Итди дусмазиб дин тӀинтӀбирнилизичи ахъибтала хӀурматбирес чебиркур къасчебли бузерилизичи ахъни багъанданра. Илдала къайгънала гӀяхӀдешли нушала бусурмантас хасли ахӀенти бяхӀичибизунала асар имцӀабиубси ахӀенри. Дурала улкназибад дин

тӀинтӀбарес башути миссионертас-ра илдани къаршидеш дирутири ва халкъличил гъунибиахъес ва нушачир хасли ахӀенти секӀал тӀинтӀдирахъес балтутти ахӀенри. Ил вагъабийюнтачи къаршили дуравхъун. Ил илин багъур гӀядатлидиубтицун тяхӀуртачи хъарихъули дин мицӀирбиахъес ва гъалабхӀа башахъес къиянни бирни ва жузи луклес вехӀихъиб.

Ил илин гӀяраб мез вегӀлицун руркъес имканбикӀахъуси жуз балкъаахъур ва урус мезли дураиб 1990 ибил дуслизиб.

1993 ибил дуслизичи Абулмуслим сай акӀубси Губденила шилизив мижитла имамли узурли. 1994 ибил дуслизичи биалли ил Дагъиста бусурмантала духовное управлениелизи живариб ва сунела гӀямрула бурхӀни тамандийчи (2007-ибил дуслу августличи бикайчи) Дагъиста муфтийла заместительли зули калун.

СУАЛТИ ВА ЖАВАБТИ

Газета бучӀантала суалтас жавабти лугули сай «Ас-Салам» газетала къанунтала шайчивси редактор **МухӀаммад-хӀяжи МухӀаммадовли**

— Бусурман адамла бунагъуни илин дарибти гӀяхӀдешуначир имцӀали сарли урдухъалли, ил мурталралис жагъаннаблизичи кавлусив?

— Юх, ил мурталралис жагъаннаблизичи кавлуси ахӀен. ХӀядислизиб бурили саби, жагъаннаблизибад дурабулхъан чула уркӀилизиб хъасала пусулгъуналра иман калунти или. Къудратла ВегӀлис дигули ахъалли, сунела ряхӀмуличил илгъунара алжайзи вархъес вирар.

— Гулухъас рурсиличил гъалмагъикес асубирисив?

— Гъайгъай, бириси ахӀен. Исламлизир рурсбачил гъалмагъдеш кадилзахъес къадагъабарисси саби, илди чула мяхӀрамти хӀебиалли (чучи хъайчикайес асухебирити хӀебиалли).



— Баракат имцӀабиахъес къасличил вегӀла устазла сурат хъа бяхӀличичи чебяхӀяхъес асубирисив?

— Асубириси саби, иншааллагъ, илизибад баракатра бирар, сенкӀун хӀушани илала сурат чебиухӀели, гъарил яргализив Аллагъ гъаниркахъидаяну.

ХӀушала мурад биалли—мурталра Аллагъличила пикридиклес саби.

— Къурбайс белгъунси кигъала гулиличирти бала деклардирес асубирисив?

— Къурбайс белгъунси мицӀирагла кабц, гули яра иличирти бала асудирити лерилра мурадунас манпагӀятладарес асубириси саби.

— Бурули саби, дугила замана тӀалхӀяна ицес асухебирар или. Ил бархъсира?

— Исламла гӀялимтала жузазиб дугила замана тӀалхӀяна ицес асухебирар или бурили ахӀен, иличи ургӀебли, тӀалхӀяна нясли далтахъес бекӀлил маслигӀятбириси ахӀен, сенкӀун илдазир деклар-декларти излуми алкӀахъути микробуни диес дирар ва адамлис мискиндеш гӀердиахъу.

«ТагӀлимул мутагӀалим»

САГАСИ ЖУЗ БУЧИУМИ

1 « **Авъибил бекі**
Шайхличил вягІда
билгъни баянбарни,
зикру, тІалкъин дирни

ХІуни багъи! Ишди накъшубандила тарикъатла цархІилти тарикъатуналара машаихуни (Аллагъли чула сиррурти умударабну), нуша Аллагъли чула дурхъадешунала баракатлизирра дарабану, чула ахърибикнира имканбикнира хІясибли муридуну абикънилизиб саби. Чула анцІбукъла хъарахъудра иш тяхІярлизиб саби. Чуну муридличил вягІда билгъа, мурид шайхла гъала дазайчил кайахъили, шайхли сунела някъ муридла някъличи кабирхъу, сунени ишкъяйда ирра иру: -- Иш дилара хІелара ургабси Аллагъла вягІда саби, Къуръайчиблира Сунналичиблира барибси. ХІуни халаси бунагъ мабирид ва биштІаси бунагъличи даиммайруда. ХІезибад их бунагъ мурт кабикаллира яра хІу ихди гъалаквирути меранази кайкадра, тавбу дарниличира их бунагъ убасниличира къалабавики, хІечи черти дирниличичи чекайзи. Гибадатла суннатуначи даимра ви, кункъдешуначи къяйцІхІейкІули, къяянсилчибли гІямал бара, бидгІялизивадра рухсализивадра гъарахъли уэн. Нуша Аллагъ дигнилизир узби сарра, нушазивад верцибсини къямалла бархІи сунела узила някъ бурцу. Нуша тарикъатла имам, халкъла гъавс. хаважагъ Багъаудин аннакъшубандийю МухІаммадул увайсийюл Бухарийюлис гІелабад арбякъунтазирад сарра—или вягІда биру.

ГІур шайхли муридлизи сунела гІямру чузир заядарибси лерилра бунагъуназирад тавбу дирахъу. КІилинилра ирра иру: «Астагъируллагъаллази ла илагъа илла гъувал хІяйял къайюма ваатубу илайгъи» или хІяйна-хІяйна. ГІур шайхли баракат багъандан гъачам балга бучІа.

ГІур шайхлира муридлира чула някъби къукъубачи кабирхъу, хІулбира къяпІдиру, гІур шайхли сунела уркіличибли хІяйна исму ззат (Аллагъ) ибси гъанбуршу, муридла уркіличи тІалкъин барнилара багъахънилара къасличибли. ГІур сунела уркіличибли хІяйна муридлира гъанбуршу. ГІур шайхлира муридлира балга барес някъби ахъдурцу. Шайхли муридлис балга биру, мурид амин викІар. Балга таманбиубли гІергъи кІилинилра чула някъби дяхІличи хІяршдиру. Илала гІергъи мурид, шайхла къукъара байбариле, сунела мерличивад алзан, шайхли изну баралли аркъян. Шайхли хъарбарисличи машгъулвирар, гъар хІяйзиб шайхличил бархбасра бихІу, сунени шайхличил барисби вягІдара бартархъу. Сай вебкІайчи ил вягІда белхъра хІебелхъа.

Нафъю исбатла (ла илагъа илла ллагъла) зикру тІалкъин барни или викІадли, исму затла (Аллагъ) ибси зикру тІалкъинничи мешуси саби. Ва амма нафъю исбатла зикру тІалкъин барнилизиб шайхлира муридлира тІалкъин барнила шулгІиб гъигъ тІашиу. Бархъси тавфикъ бируси Аллагъу тагІяла сай.

Шуибил бекі

Зикру цархІилти
гІямултачиб дурхъаси
биъни

ХІуни багъи! Аллагъу тагІялани сай гъануршни багъандан хІед кумекбиру. СекІал пикрибируси агълулизивадра виабину.

Зикру или бикІар сай гъануршу-

сила у уркілизибра лезмиличибра тикрарбикІахънилис. Ил зикру (Аллагъла) амру саби, сабира гъанбиркахъес чеблибиубси ва ил даимси фарзра саби.

Аллагъу тагІялани иб: «ХІушани ну гъануршабая, нуни хІушара гъандуршура».

Их зикру муридунала тур саби, зикру бикІантала къалара саби, валидеш сунени тІашиусира саби. Чи виаллира зикру сунес тавфикъ бариле, илис вилаят тІашиуси цІакъ бедибси саби. Чи виаллира сунени зикру батурли, ил вилаятлизивадра декІариру. Их зикру Аллагъличи виънила умцанра саби, хъарахъудила шаладешличи



вархъиусира саби. Аллагъличи виахъуси бегІлара гъамси гъунира саби, Аллагълизи къабулварахъес гІямултала бегІлара дурхъасира саби. Зикруличиб дурхъаси секІал агара. Лерилра гапла тІабигІятунира чардулхъути сари сай гъануршусиличи (Аллагъличи). Ихди алкъуси мерра зикру саби.

Зикру дурхъаси биънила хІекълизир аятунира хабуртира дахъал перти сари, илди дейгІесра хІейрар.

Аллагъу тагІялани иб: «Аллагъ гъанушни --бегІлара халаси саби».

Зикру дурхъаси биънилис абаала биру сунела ужра, Аллагъ гъануршуси Аллагъли гъануршни биънили. Аллагъу тагІялани или виубичи мешули «Аллагъ гъанушни бегІлара халаси саби».

Зикру дурхъаси биънилис гъатІира абаала биру сай Аллагъла жалисли виънили.

Аллагъ вагъурти гІялимтала цали иб: Аллагъли сунела лагъ валили уцес дигіаалли, илис сай гъануршнила унза ибхъу. ГІур анцІбукъри ахъахънила

мажлисуначи ахъурцу. ГІур тавхІидла (Аллагъ цаварнила) уталичи кайрахъу. ГІур сунечирад пардавти ахъдурцу, фарданиятла къяйзира кархахъу, сунес Аллагъла чебяхІдешра халадешра гъаргдиру. Илдаци сай хІеризурхІели, ил секІал балнилизивад улхъан. Къаркъала гъирбикІути секІайзивадра дураулхъан. ГІялийюлмурсафи бикІуси шайхли иб: «Шуйхри гІяжизбиуб, мурид чевяхІси Аллагъличи ваахъес дарман хІебаргиб зикруличичи чекайзничичи халаси я къалабаси. Уркіи умубарнилизиб зикрула хІукму дубси умубарнилизиб бургІялалагъуна саби. Уркіи умубарнилизиб зикру ахІенти цархІилти гибадатунала хІукму дубси умубарнилизиб сапуннагъуна саби.

Зикру хІу Аллагъличи виахъуси бегІлара халаси унза саби. Илис къараулти дара хІуни гъигъани.

Зикрула хасдешуназибадди саби Аллагъу тагІялала хІязратлизи керхнлизивад чарвирути пардавти урасни. Муридлис ца пардав гъаргбиубхІели, ил макъамлизивад чевяхІулхъан, илала чедибси макъамра тІалаббиду, ил тяхІярли чедивяхІ аркъян сунечи лайкъси макъамличи ваайчи, зикру ахІенси цархІил гибадатличивли тІягІялтизи керхурсиличи хилафли. Ил адам сунела пардавла бухъяндешли, сай левси макъамлизивад декІарикес гъамра хІейрар. Ил макъамличи сай гІяшикъиъни багъандан. Зикрулизи кайкибси мурид дебали камли сай Аллагъличи вахІеили калунси, хаслира уркіла зикрулизи кайкибси, сабира «шугъудлира зулфалира хІузурлира къурбалира» биубси.

Ил уркіла зикру саби. Гъайбат барсбиру хІузурличи, мурид панавирахъу Аллагълизи. Сеннира гІямал агара зикрумала дигІяндешуни сунени дагъурси шайхли тІалкъин хІебариле, сенахІенну Аллагъу тагІялани сунела исмуртала дигІяндешуни гъаргдарнилизиб гІядат бакІахъили сай. Расулулагъли (с.гІ.в.с.) тІалкъиндарниличиблира. ГІур сунела хулафауначи тІалкъиндарниличиблира, чулира илди зикрурти сасибти халасини халасилизирад сайсули Расулулагъличи (с.гІ.в.с.) бикайчи.

ХІятта ца зикру викІуси адам абзур дугилизивра хІерилизивра лерилра зикрумачивли Аллагъ гъануршули виаллира, сунела къаркъайчивли, шайхлизивад сасни агарли, гъубзни биуси мерличичи виъхІейур, я камилдешла даражаличи виъхІейур, Аллагъличи ваибси муршидли айкъниличивли ахІенси.

Зикру викІуси адамли, зикру камилси шайхлизивад сасибси замана, илала силсилализи керхурсира замана, сунела къаркъайзиб силсилала хІялкъат (зикру) вяшбарибхІели хІясулбирусила бегІла камси силсилаличи баъниличибли лебил машаихунала рухІанани расулулагълис (с.гІ.в.с.), Аллагъу тагІялачи баайчира сунес лебилли жаваб биру. Ихдазибад зикру сахІесили, я ихдала силсилализи кахІерхурли левалси чи виаллира, чузибад цалинра жаваб хІебиру, я лерилра гІямултазив зикру викІалира, чула хІялхъат вяшхІебиру. ТІалкъинна пайдара иш саби.

ХІуни багъи! Аллагъли хІед сунечи ваънира, хІекъсилчив виънира ризкъи

ХІЯМ

ХІушазивад
 бегІлара
 пайдаласи
 бегІлара
 малхІямси хІялла
 вегІ сай

дараб, икІ пиркъализивадра вараби. ХІед фатхІу хІясул хІебирар зикруличиблицун. Сунела адабтачирли адабти дуцІхІедуцадли, сенкІун адабтазибад бацІси гибадатла пайда камси бирар.

Лебилра шуйхри ца пикриличиб саб, сунела гибадатличивли Аллагъла лагъ ужра хІусулбиъниличира, алжанализи керхнличира виур, амма Аллагъу тагІялала хІязратличи виъхІейур адабличивли Аллагъличил юлдашикибси ахІенси.

БалусисекІайзибадсабиттарикъатла агълула мурад чула шулгІиб гІядатли биубси, Аллагъла хасси хІязратличи гъамвиънира, пардав агарли ил хІязратлизи сунечил варх кайънира биъни. Ужра викІадли чула шулгІиб илала хІукму, хІяйвантас дугенигъуна хІукму саби.

Аллагъу тагІялани иб: «Ну гъанушибсилчил ну кайили вирус». Гъанушнила мурад хІузурлара адаблара гъунчивли гъанушни саби. Варх кайъниличибли мурад, сунени Аллагъу тагІялалачи чекайзурли, Аллагъу тагІялалачи гъара кайили, Аллагъла гъалав виубсиван лагълис пардавти гъаргдиъни саби. Иш чебаъни лагъли мурт даимбараллира, хасси хІязратлизи Аллагъу тагІялалачил варх кайибси сай. Ил чебаънилизивад гъарахъвикалли, Аллагъу тагІялала хІязратлизибад дуракалхъан. ХІуни аргъа, Аллагъла хІязратличибли мурад ванзаличиб я заклизиб хасси декІар мер ахІен, цацабехІлис илкъяйда саби или гъанбиркули хъалли. Аллагъу тагІялалачи мер алавбируси ахІен, илизивад Аллагъ чевяхІвиуб дебали чевяхІвиъниличивли.

Урег-ибил бекі

РабитІара сунечи
машгъулвиънила

тяхІярра баяндарни

ХІуни багъи!

Тасаввуфла агълула шулгІиб рабитІа или ируси, мурид уркіла хІулиличивли шайхла равхІяниятличи хІерикІнилис саби, шайхличи сунела уркіла затси дигиличил балкІахъниличил барх. Амма Накъшубандила машаихунала мякълаб ил кІел тяхІярличиб саби.

Цаибил: шайх мякълавхІели барни саби, илала куцра ишкъяйда саби: шайхлис мурид затси уркіличил таманни мутІигІвакІили шайхла уркіличи хІерилзан, хІятта сунела лерилра сипатуназибад шайхла сипатунази минавиэсли.

КІиибил тяхІяр-шайх гъарахъхІели барни саби, илала куцра ишкъяйда саби: муридли шайхла сурат, сунела кІелра хІулила ургаб пикрибиру, гІур ил суратличил шайхла равхІяниятличи вяхІчивилзан.

Ва ил вяхІчивизнилизивад чевархІякъян сунес гъайбат яра асарул жазбат (Аллагъли сунечи витІакІнила гІяламат) хІясул биайчи, илди кІилалра ца хІясул биубли гІергъи,

» 5

САГАСИ ЖУЗ БУЧУЛИ

4 « рабитла батурли сунела затлизи-вадра сипатуназвадра шайхла суратлизи панавирар, илкьяйда пана виънила шулгиб, муридли шайх чейу сунела суратлизирти камилдешуна-чил варх, сенахенну шайхла камилдешуни сунела равхяниятличирад деклархедиркур. Илала гьегъи мурид шайхла равхяниятли алкъа, Аллагу тагялаличи ваахъили камилти Аллагъличи баибтазивад ветаайчи.

Рабиттали мурид шайхличи гъавиру чула ца машрикълизив итил магъриблизив виаллира. Рабитталичибли бухънаби файзла бирар камилти дурхназибад, мицирти файзла бирар тасарруфдеш (тасарруфдеш-ил устазли сунела хлерудилиув мурид алкъни) дирути беккибтазибад, сенахенну рабиттали мурид шайхла равхяниятла уди кархахъу, равхяниятли сунела валаятличиби тасарруфдеш диру. Сунези Аллагъла камилдешунира черяхдешунира кертлу, сай Аллагъла чебяхъиси хлязратлизира виахъу. Сунени файз бедлугуси мицирти виаб вебкили виаб, муридли ил файз бедлугуси валули виаб хелули виаб.

Рабитла Аллагъличи виахъути гъундурала бегла гъамси саби. Илала гьегъи цархил анцбукъличи хляжатхлеркур. Рабитла – Аллагъличи виънила аслура саби, сенахенну лерилра аслуби чула хасдешуни даклюдънилизир рабитталичи хляжатдиркур, хаслира иш чевяхъиси Накъшубандила тларикъатлизир, сенахенну лерилра хлянчурби сунечи хляжатдиркур, селра секлай пайда хлебиру рабитла барххлебаси. Ил багъандан иш тларикъатлис рабиттала тларикъат или у бихъиб.

Хуни багъи! Рабитла-дигила ца бутла саби, сунезиб диги агарси рабитла хлебирар. Рабитла-файз биклуги сунечи тлашбилзуги секлазибад саби. Сунезиб рабитла лебси чи виалра, сай айкъесра сунени файз тлалаббаресра имканбиклур. Сунезиб рабитла агарси чи виалра, сунес файз бакни хлебирар, сай Хизри идбагличил (гялайгъи салам) юлдашвикалра. Кинайс хуни багъи! Рабиттали пайда лугуси камилси шайхличил биубхелели саби, суненира валаятла цаакъличил тасарруфдеш дируси. Сенахенну камилси шайх Аллагъла, субхянагъу ва тагяла, дяхлимца сай, илала равхяниятличи урклила хулиличил хлеризурси чи виаллира, илини Аллагу тагяла чейу.

Рабитла кел бутталичиб саби мициртачи бирусира беккибтачи бирусира. Мициртачи бирусила куц гъалаб арбьякун.

Беккибтачи бирусила куц ишкъяйда саби: муридли сунела къаркъала жура-журала дархдаслумазибад акъубалта, сунела батинра тлабигятла глундразибад батбулхъахъу, сунела урклира гилмуртазибадра, някъишуназизабадра, цархилти пикрумазибадра бацбурхахъу. Кинайс ит вебкибси шайхла равхяният чедиути куцаназибад чянкъиси нурли пикрибиру. Ил нурра сунела урклилизиб биху, сунес ит вебкибсила файзаназибад файз хлясулбиайчи яра сунела хяланазибад хял хлясулбиайчи. Сенахенну камилти шуйхрала равхяният Аллагъла файзла гинзурби сари. Сунела урклилизи ил равхяният каберхурси чи виаллира, итизибад сунечи файз биур.

Рабитла вебкибси шайхла хлябличиб бирули виалли, ил хлябла веглис салам хлебедес гямам агара. Гур къашмачи

Адабул Марзийят Гяхити адабти

Верхъибил бекI

Зикруличи машгулвиънила куцлизибра зикрула адабти баяндарнилизибра саби

Хуни багъи! Аллагу тагялани хлед хлекъси тавфикъ барабну, бархъси гуйчи вархъра аабину.

Нушала накъшубандийюла (Вари хлу гъанна накъшубандила тларикъат ва илала устазуни агарти саби майклуд. Сенахенну Ахмадул фарукъи Иمامу раббанил мужаддиду алфи ссани виклули сай: «Нисбати гъаза тубкъа



Рабиттала файз бакнилизиб вяхчивизни агарлира абаала биру, амма рабитла вяхчивизниличил бархбикибси замана нурла чеди нур саби. Рабитталичи даимвиубли чи виаллира, сунес тларикъатла лерилра хяланера хлякъикъатла камилдешунира хлясулларар. Сунела рабитла букъбуунси чи виаллира, сунела файз тлашкабилзан. Сунес тларикъатла хяланера хлясул хледирар. Я сунес Аллагъличи ваънила дигяндеш даклухлебирар.

Кинайс хуни багъи: мурид рабитталичи хляжатиркуси васитла агарли Аллагълизибад файз тлалаббарес ахъри хлебикалли сай. Илкьяйда файз тлалаббарес вирули виалли, рабитта батни чеббирар, сенахенну ил замана рабитталичи машгулвиъни, чевяхухъниличиб увяхлукънира, Аллагу тагяла чевънила макъамличиб, пардавла макъамра чеббикни саби, ил чеббикнира Аллагу тагялазибад чарихъни саби.

Ихкъяйдали биалра шайхличи нисбатвиъни (бархбас буцни) балтхлебалта, сенахенну нисбат (бархбас) бихинили Аллагу тагяла чевъни имцлабирал. Саликра гъамвиру Аллагъличил анцбукъри ахънилара мухлядасатлара (сунечил гъавикнила) макъамтачи.

биваситлати авлади явмил къиямати хятта аннал имамал магъдию якуну гяла гъазигъи ннисбати» Илала мягна саби: «Иш дила нисбат (тларикъат) кавлан дила дурхъни васитла биъниличибли, Къиямалла бархли сабаайчи, хятта имам Магъдира иш тларикъатлизив вирар». Илкьяйда белкли саби «Багъжату ссаният» биклуси кунгла 75 ибил бяхлилизив ва «Римахлу хлизби рряхим» биклуси кунгала 94 ибил бяхлилизив. Хуни багъи, Аллагу тагялани буриб сунела гъалабикибси гилмулизибра. Сунес диггаурси берзахънилизибра сунела урклецила дурхъадешлизибад сунела халкъличи биуси пайда-гяхидеш гъар заманализив сунела халкъла беглара гяхитачил барх башуси биъни, илди гяхитира идбагунира варисунира саби.

Чини кумек тлалаббараллира сунела заманала силсилала муршидуназибад, чус гелавад арукъялли, чучил юлдашикалли, чузибад гяхидешра тлалаббаралли, Аллагу тагялализирад чяхидиклуги пайдуртачивли пайдалавирар.

Сунела замана муршидуназибад чариубси чи виаллира, сунес гъалаб беккибтала хабуртачибли абаала барили, сунечи пашмандешлара пайдуртазибад мяхлурмарнилара мугъур

ЯАМС

Аллагъли
гибсилечи
къабулли уъни
кахлебурхуси
давла саби

кабирхъу. Илгуна, сунела замана муршидуназибад чариубси адам вирар сунела замана идбагуназибадра идбагла шаригятлизибадра чарвиубсигуна, суненира абаала дирули гъалабикибти идбагунала шаригятличил, сунечи куфрула мугъурра кабирхъу. («Хлизбу ррахим») сайидунас. Аллагу тагялани чула гыгъанала баракатли-чирли пайдаладабарну, чула баракатла нураначил нушала урклибира нурла дарабну. Кел гъуни диубти сари:

Цаибил гъуни — Аллагъ ибси исму саби. Киибил гъуни — **Ла илагъа иллаллагъ** саби. Илди келра гъунилизиб хилиф кабикиб. Цабехитани Ла илагъа иллаллагъ чеббиклиб. Идбагла (с.г.в.с.) гъай багъандан — «Зикрула бегла дурхъаси -- **Ла илагъа иллаллагъ** саби» ибси. Гъатилра Идбагла (с.г.в.с.) гъай багъандан — «Нунира наб гъалабти идбагунанира ибсила беглара дурхъаси **Ла илагъа иллаллагъ** саби» ибси. Гурра сунела гъай багъандан (с.г.в.с.) - «Хлушала иман сагабарая **Ла илагъа иллаллагъ** ибси девличил» ибси. Гурра сунес биъни багъандан бухнала умубирнилизибра нурла бирнилизибра тларикъатла агълула шулгиб халаси дакуси асар бирни, саби ахленси цархилитти зикрумазиб хлебургуси.

Цабехитани Аллагъ ибси дев чеббиклиб. Ил саби Мухиддин шайхлира цархилити камилтанира чеббиклибси. Чула далилра — **«Хуни Аллагъ а, гур илди сабил бати»**. Гурра чула цабехитани иб: «Келра гъунилизибад ца чеббикни чарбулхъуси саби муридличи. Сунела урклилизиб асар барни Ла илагъа илагъличибли баргалли, иличи чекалзан. Иличи имцара биру. Асар барни Аллагъ ибси исмуличибли баргалли, иличи чекалзан».

Гуррацабехитанииб: «Тларикъатлизи керхурсини зикруличи машгулвиънила гъунибагъурлигьегъи, бегларалайикъси сунени ибни саби, хлу ихтиярла вег сайри, гъар хянчи хела тафрикъатлизибад (декларбарнилизибад) гъарахъли биубси жамигятличи (цалабахъниличи) гъамли биубси бузахъни саби или». Ва амма **Ла илагъа иллаллагъ**личи машгулвиъни дебали балбикибси саби даражлумачи чевяхлукънилизибра урки нурла бирнилизибра. Гурра чула цабехитани иб: муридли мусни-зубрала бухнабад секлал чебиули (уркли илдачи пикрибиклули) левалли **Ла илагъа иллаллагъла** зикру сунечиб чебси саби, сенахенну ил зикру урклила хлякъикъатуни ибхъуси умхъу биъни багъандан сунечивли салик гъарахъти далуси Аллагъличи чевяхъра улхъни багъандан. Гур сунела дугла пикрумира, багъунтира, лерилра хуланера панадиубхелели (агардиубхелели). Гяхиси саби Аллагъ ибси девличиблицун зикру викни. Гъариллис гъуни лебси саби. Лебилра адатасра чула бужуси мер (машраб) лебси саби.

(Хъарахъуд бирар)

САГАСИ ЖУЗ БУЧІУЛИ

Гіяшша Гіяхімадова,
нушала корреспондент.

Гіяшугуни—чула хлулба чедиути гямруличила далайбиклути адамти саби или бурули бирар... Марлирагу, гямрула хлекъдеш сегъуна сабил дурусли баянбарес имканбиклахъуси баркъуди саби илдани дурабуркюси. Селизир саррал нуша журналистунира гяшугуначи мешути сарра, чянккли нуша далайдиклути ахленрану, луклула. Луклула нушани чедиути секлайчила, кадиркути анцбукъуни нушани балуливан ва дируливан къиматла дирулра...

Къакъализивад аркъулри ва алавчарли хериклулри—ва хлела пикрумазиб сагаси сюжет алклули саби. Ца шайчирад разилира гямру рурхъули дъниличичи, цархил шайчибад биалли илди гямру саркъибти деклар ранганазир чедиули ахленра ва кадизурти аги-къяйдали урклили разидеш бихули ахлен. Амма нуша Къудратла ВеГли, гяхлдешуни дирнилис къяйдали, балагъ-къадар дихниличира разили диэс хляжати саби.

Газета бучантази дила белклизир аклубти пикрумачила бурес хълрухъунхлели, «хъунул адамталайзи» халдирути темабачи имцали къячиркус или гъанбиркусири. Амма гяширти дурасес къалабарикили риша риклулра. Къудратла ВеГли икъайчил гямрулизир кадиркути анцбукъунани някълизи къалам касахъибти анцбукъунира къаршидирули сари. Хлера, глергъиси замана адамтала ургар динна шайчирти багъудлуми тинтдирниличила чуйнал гъайрухъунра ва ил шайчир кадиркути дарсдешуначила бурес къасбарира. Исламла хлекълизис темали адамти паргъатли балтули ахлен. Иш яргалисра ил темаличил дархдасунти чумал пикри тинтливан дурес дигахъира.

Цябдешлизиб шала

«Просвещение» ибси девла хлячилизиб «шала» ибси девра леб, хлебиалли багъудлуми тинтдирниличила шала тинтдирнира иргъахъуси саби. Цябдешлизи шала бихни иргъахъуси саби, амма шалара деклар-декларси биэс бирар : хлулби сукъурдируси яра, иличи урглебли, гъуни шалабириси. Деклар-декларти замунтазир багъудлуми тинтдиклахъниларе декларти мурадунди дирутири. Ишар нуша историялизи илцад деклар мурхъледиркехле. Ил барахъес цархилти балтехле. Амма цацахлели просвещениели шала бихули ахленну, гъалабяхл башутала хлулби сукъурдирули сари сунела лямцличил. Илкъяйда бирар хлу къакъализирад аркъухлели, къаршили лябкъуси автомашина гъарахъси мер шалабарес балбизурхлели. Илра шала сабигу, амма илини хлеси селра чехлебахъу.

Ишбархлара багъудлуми тинтдир-

Азан чи багъандан зайбиклули...

нила сунела мурадла мягнара лер. Светский багъуди кайсахънилизир рузуси сарлин, нунира материалистуналацун пикруми тинтдирни баибси хлебиъни иргъулра, сенкун илдани адамтала рухл булан таманни дицили сари. Динна шайчирти багъудлуманира ил бетуцлизиб мер баргнили гъалар бахълис къаппли дирути унзурби гъаргдарес вирули сай.

Динна шайчирти багъудлуми тинтдиклахъниличичи ишбархли халаси пикри бяхлчиъниличичи нура разидешличил хлерикилулра. Телевидениели, радиолу, газетабани динна хлекълизирти багъуд-

— гъарил бусурман адамла чебла саби». (Байхаки).

Нушала гямрулизир гилмурти дагъардиъни Къудратла ВеГла гъунар саби. Ил багъандан математика, грамматика, биология, история, физика, химия, экономика, юриспруденция ва цархилти мягничерти гилмурти Къудратла ВеГла икъайчил дагъардиубти сари ва гъаладяхл дашути сари. Биология убъяхъили, илала мерличиб дин гъалабяхл башахъес ибси тлалаб гъалабирхъуси агара. Дашира нуша бурсидиубти къалипуназирад цакъадар гъарахъдиркехлену. Багъуди



луми ишбархли имцали тинтдирули сари ва илдани адамтала урклибази гъуни бургули саби. Дагърилизибси бархибдеш гячихъбирули саби или гъанбиркули саби, Бархъдешла дев дурабиркусигъуна хлял саби.

Дила пикрили, гъар секлайчила декларли буралли, къулайли бирар...

Багъудлумив яра телефону?

Муртрил нушаб бегларе бучлуси миллат биклули бири, лебри замана гяхлти жузи дикахъес хлейруси. Классикунала жузала собраниебачи почтализибад подписка бирусири ва илкъяйда хъулирти библиотекабас томани дурчутури. Итди замунти глур чархледухъесли ардякъира? Ишбархли жузи дучлутуи адамти тлубачиб бейгес вирули сай.

Марлирагу, нушала бахъал узби ва рузби Ислам – багъуди камти адамтала дин саби биклути адамтала гъайличира лехлихъули калун бургар. Чинилра ва мурталра школализиб кайсахъуси багъудила къадри уббирхъули калунси ахлен. Исламлизибра багъуди кайсахъни адам гъалавахл вашахъуси беклибиубси шартл сабливан халбирули саби. Иличила бурули саби машгурси хлядислизибра: «Багъудлуми тлалабдиреная, ил барес багъандан Китайлизи дукъес чевкъули биаллира, сенкун багъудлумачи вегиъни

кайсахъни сагаси даражаличи буршнеличи цакъадар цархил шайчирад хлерилизехлену.

Бехлихъудлис дашира хлерилизехлену сегъуна сабил ишбархлила школа. Шагъарлизирти школабала цализир рузуси учительничачил ихтилатриклухлели, наб багъес дигули ахъиб ишбархлила школьникина гямруличила тинтливан багъес, илди секъяйда хлерибурилл чебаэс хляздухъун, илди гямруличичи секъяйда хлерибиклулил багъес хълрухъунра.

«Багъудлуми тлалабдиреная, ил барес багъандан Китайлизи дукъес чевкъули биаллира, сенкун багъудлумачи вегиъни—гъарил бусурман адамла чебла саби» .(Байхаки).

Илини набзи буриб, ишбархлила школьникина бегларе беклибиубси мурад дахъал арц дарес саби. Дурхъаси мобильный телефон биахъес, къиматчерти палтар тлалабдарес ва дурхъаси машина биахъес саби или. Марлирагу, багъудлуми чисалра гягънили ахлену ибси дила суайс, илини жавабла мерличир хъуцруми гъунчидариб. Илди школализичи башули буили саби чула сагати палтар чедахъес ва чула дурхъаси мобильник цархилтази чебаахъес. Илдани дунья

жузазибад балули ахленну, мобильникла экранничиб чебиули саби. Школьник имцали мобильникличил сай узуси, школализичи дихути учебникуначил ахленну. Сагати технологиябира, гилмула-техникала революцияра нушаб дихъубти Къудратла ВеГли сари. Илди гитти нушала рухл дехъес ва пасатдихъес ахленну, хлеридиэс гъамдди биахъес сари.

Илбагъандан дурхначигяйиб барес вирау? Даширая ил суал дурхначила беглтази бедлугехлену—сен? Сен исути дурхъати палтар, дурхъаси мобильник, кисала харжанас сен дахъал арц лугути? Хлушала арц лерли биъни багъахъес яра хлушала дурхля цархилталайчив вайтлели чехлейахъес? Мобильный телефон—хлушала дурхляличил бархбас кабилзахъуси гягъниахъала саби! Ил барес багъандан учительла 2-3 базла алапаличиб имцаси багъа бедили, дурхъаси мобильник асес хляжатдеш лебу? Ишбархли сунела дурхлялис илгъуна дурхъаси мобильник асес гъарил деклар хъалибаргла ахъри агара. Илкъяйда хлушани дурхли исрафличи—имцлати харжани дирниличичи бурситили бетарахъулра. Нушала дурхли багъанданти жавабардеш нушани имцлати анцбукъуназир цархилтала хъуцрумачи хъардиркахъулра, бахъал беглгани чула дурхля балагъла анцбукъулизи викайчи саби чинабрира или чузи чуни суал бедлугули ахлен. Илгъуна чебиухлели саби ишгъуна суал гъаман алкулси: сен гъатли илди халати адамти школализир адаб-хляяла хлекълизирти дурсри кадирхъниличичи илцадра члумали къаршили дурабулхъути?! Урухклулив яра бирхауди хлерибурилл? Хлушара дукъеная школализичи, кадирая дурхначила мякъла, лехлидизирая ва глур хъули чардухъунхлели дурхляличил илаб аргибсила чебад пикри цалабяхъя, илхлели хлушани цали цала уркли иргъидая. Хлушала дурхначил адаб-хляяличила гъайбиклалли се вайси бируси? Лерилра гямрулизир

ХЛЯМ

Духуси секлап
барахъес
ватни ва вайси
барахъес
къадагъабарни –
гяхлси баркъуди
саби

» 7

1 « **Бахъличи асарбирес вирус имкан**

Ишбархинушала дурхнала учитель-тили дахъал анцбукъуназир телевизора лямцдиклуги журналтира детарули сари. Хлебиалли нушала мурад саби— багъудлуми кайсути илди гинзурби нушала хлерудилиур дихлес, илди нядешуназирадра пасатдешлизирадра умудирес хляжатли саби. Ишбархи телевидениела лерилрара-сера каналтазир диннис багъишладарибти передачаби чедиахъули сари. Илдазир Мухаммад идбагличила ☼, шаригятла хьулчначила бурули саби, адамтани чузир аклуги суалтас жавабти касес бирули саби. Радиостанциябанира динна масъултас багъишладарибти передачаби дирули сари. Илданира дуньяла глурмазибад адамти камси заманалисалра декларикахъес ва гямрула чебад пикрикабухъахъес имкан алкхъули саби...

Телевидениера радиора — адамтани халаси асар барес дирути секлал сари. Телевидениеличи хлериклусила ва радиолучи лехирхъусила пикрумачи илдани бируси асар мурталра цагъуна ахлен. Ил шайчиб дебали мягничебсили бетаурли саби хлербиклуги чиди миллатла сабил ва илдани бузахъуси дин чиди сабил. Ишаб набчи цархилти миллатунала яра цархилти динана-



ла адамтани гяйиб мабараб, амма адамти илкьяйда бутнила къадри леб. Телевизорлизибад хлурматла имамтани яра динна гялимтани се-биалра бурхлели, илдаци лехихъутала ургар жалани алклули дирар. Цацабехтани шаригят уббирхъули саби ва чула азаддешуни иличир гьалар чедиули саби. Хаслира имцали жалани алклули дирар адамтазир гялхти къиликъуни адилкъиличила ва вегла шайтан бялчнеличила гъайбиклхлели. Гямру дахъал журабарти детаурхлели, нушаб ил секлал пикрилизи кайсес чевкъули саби.

Нуша имцаливан нушала манзиллис информацияличил бархбасунси саби диклула. Амма нушани кайсути информация сегъуна сабил, илала бухнабуц сегъуна сабил дураб кавлули саби. Илкьяйда багъудлуми

тинтидирнилизиб шала лебу? Адамтази дин бузахъес ва ца Аллагъличи бирхъахъес жибиклуги адамти чула шайзибадцун ахлен. Илдани нушачи Кьудратла Вегла халаси ряхмуличила бурули саби. Дила пикрили, дина вакилталара хлукуматла вакилталара ургар гъунибаъниби дурадуркнила зарал хлебири. Конституцияли нушаб дигусигъуна дин чеббиклахъес ва бузахъес ихтияр лугули саби. Амма нушазиб ихтияр леб чиди вархъил ва чиди валкисил гъайдиклесра. Чянкли Кьудратла вегли саби бархъдеш балуси.

Аллагъ багъандан адамти гялхси бирахъес жибирилизиб селра вайси баргес хлейрар.

Сархидешунас хъябурц — цадешлизиб саби

Нушала республикализиб бахъал духути ва гялхси багъуди касибти адамти леб, чулира чеабиуси ва жагъил наслулис гялхси бяркъ бедес бирути. Илдала пикриличира адамти лехихъули саби. Белики, нашаб лебтасалра цадизэс ва челукути масъулти дарх арзес алавдиэс хляжатли биэс? Нушаб лебтасалра нушара нушала гьамтира ункъли ва талихчебле хлербирули дигулра, гъарил къайгъилизвив сай гялхси ветаэс, сунела пикруми шаладихъес ва баркъудлуми мягничерти дихъес. Хлебиалли багъудлуми тинтидирес ва нушара багъудлумачи дегидирес хляжатли саби. Хлебиалли адаб-хляяла дурсри кадирхъес хляжатдеш аклуги саби, республикала жамигятла гямрулизир жигарла бутлакьяндеш дирни гямрула тлалабли бетаахъес хляжатли саби. Школабазир динна хьулчни руркъахъес чебиркур. Анцбукъ илдигъунти хлукмурти къабулдарнилизиб ахленну, илди гялгниси тяхъярли гямрулизир детерхахъенилизиб саби.

Гямру нушала хьулрала унзурбала дазурбала духнарцун тамандирути ахлен. Илдала дурар илди чянкли дехдирхъути сари. Ва нушазивад гъарил ил дуньяла ца бутла сай. Ил багъандан гямрулизир кадиркути баркъудлумас гъарилли жавабрдеш дихути сари. Кьяямалла бархи Кьудратла Вегла гьалар нуша гяшқадуцили бургира нушара тлашдилзутирав гямруличи шайчирад хлердиклули кални багъандан ва илди дарсдихъес, къулайдихъес аварахледиъни багъандан?

Вайси бирули сай бунагъуни дирани, амма гялхси бирулив гъати илди дирутачи паргъатли хлериклусини? Ишгъуна хлядис лебси саби: **«Лебилра духудеш клел къяйлизиб саби: хлечил бетаэс гялгниси бетааб, хлу биалли умутчевли виэс гялгнисире барес гялгниси барили виъниличе.** (Хавваз). Кьудратла Вегли нушаб гити лерилра имканти пайдаладарили гьегъи эс дирехле нушани иншааллагъ — гъар секлал Аллагълизирад сари дигахъути.

Савлила лехидешлизиб азана зайбиклуси тлама аргъибхлели, гьимдуклили улкъай къяпидирес ва хлякимтази гьарздиклес ахленну хляжатси, нуша паргъатли дусахъес хледалтулра или, нуша клун светский пачалихълизир хлердирутира или хьутурхледикули, ил тламаличи лехидизес ва нушази ахленара ил жибиклуси или пикридулхъес гялгнитира...

Кьудратла Вегли икъалавиаб нуша бархъси гъуйчи кадизахъес ва иличирад черхледалкли дашахъес! Амин.

СУАЛТИ ВА ЖАВАБТИ

Газета бучланта ла суалтас жавабти лугули сай «Ас-Салам» газетала къанунтала шайчивси редактор **Мухаммад-хляжи Мухаммадовли**

– Дила гьалмагълис Исламла диннизив виэс дигули сай, амма ил секъяйда динниси левкусил нуни балули ахленра. Се баралли гялхсира? Нуни илис кумекбарес хлейасли, наб бунагъ биуру?

– Цаибилгъуна, илизи селра иргъахъес хляжатдеш лебси ахлен, цархилван буралли, илис Ислам къабулбарес дигули виалли, шагъадат буралли баибси саби — **«Ашгъаду алла илагъа илла ллагъ ва ашгъаду анна Мухаммад расулулагъ»**, илхлели шагъадатла мягнара къантлели шурбалтули. Шагъадат бурниличил ил бусурман ветарар, илала гьегъи ил дуб-дубли Исламла тяхъяр-къяйдаличи бурсиварая.

– Вирд къабулбирухлели мурид чичила пикрииклес гялгниси?

– Вирдла замана мурид хузурлизив виэс гялгниси сай, цархилван буралли, Аллагъличи ☼ пикрииклес ва иличил барх вегли шайх Сайфулла-къадила гьалав сайли гъанбикахъес маслигятбируси саби, къабулбируси вирд шазилийяла биалли. Вирд накъшибандила биалли, веглис гъанбиркахъес чебиркур шайх Мяхлуд-апандила гьалав тлашлира или ва гялхси саби мякълав тлашли сунела устазра левли виъни гъанбиркахъалли.

– Гъар бархила гямрулизив мурид селичила пикрииклес гялгниси: Аллагъличила яра устазличила?

– Хьясан-афандини бурни хлясибли, ил Аллагъличира ☼ ва устазличира пикрииклес гялгниси сай. Идбагла ☼ икъалачибанира мурталра илкьяйда бирусире, сенклун бурили саби илдани сегъуналра анцбукълизиб Аллагъла расулличила ☼ хъумуртуси ахленри ва мурталра иличила гъайбиклутири или. Нушала этикалира ил тяхъяр даимбирули саби, сенклун устаз — Идбагла ☼ букъур сай.

– Нуни аргъира жумягла дехлибайс гьегъи хлерела дехлибала хледараллира, илди черихъес хляжатдеш агара или, сенклун бархила духнар дарибти дехлибала урегдехи детарули сари, нушачи динни чердарибти биалли шудехи сари или. Ил бархъсира?

– Жумягла дехлибала дарили гьегъи хлерела дехлибала дирниличила буралли, анцбукъ ишгъуна саби, иличила дахъал гъай дурес хляжатдеш агара, сенклун илди дирес гялгниси биъниличила машгъурти гялимтала жузазиб ва саби гялимтани бурили саби. Хлези илди 6-дехи ибти дехлибала детарули сари виклуси биалли мурхъли хатгаиркули сай.

Иличила Мухаммад Рамализи хъярбаибхлели, ил виклар: «Ил адам

Адамтазивад беглара вайси— илизибад бируси зарал хлейгули. сунечи чилра гьамхлебируси сай

къумба угъуси сай, цябси адам сай, чеввалклунси адам сай, имам Шафигила гъуйчибад башутани иличил 6-ибил фарз кабилзахъули саби ибси пикриличе кайзурли виалли, ил капур ветарули сай ва диннизивад гелумизурсиличи шурулхъули сай. Эгер ил илкьяйда виклули виалли, цархилтира илкьяйда биклули саби или, илхлели ил танбихлаварес чебиркур».

«Шархул Мафруз»



– Устазли накъшибандила тларикъатла вирд гили гьегъи дяргибти шинна бержес асубирару? Нуни аргъира, ил бирахъес маслигятбируси ахлен или.

– Деклардеш лебси ахлен, тларикъат Накъшибандила сабил Шазалила сабил. Кабизахъурли лебси гядат бузахъес чебси саби ва вирд къабулбарили гьегъи байхъала сагъят арбукъяйчи дяргибти шин дужути ахлен. Ил беглара камси замана саби, ил сецадла имцали биаллира къулайси саби.

Зикрули бемжахъурси урклили дуб-дубли гялхти къиликъуни къабулдирути сари ва ил багъандан ил бяргъахъес маслигятбируси ахлен.

– Устазличи укъес ва илизибад вирд сасес къасбарибхлели, нуни дудешлизибад пурбан сасира. Ил барахъес дудеш къабулхлейкиби, амма нешли дила къасличи разидеш багъахъур. Набчиб ил шайчиб бунагъ лебара?

– Устазлизибад вирд саснили Аллагъличи ☼ гъуни баргес умцни иргъахъуси саби ва вегла бухнала умубиахъес къасбарни саби. Ил гъарил бусурман адамлис фарз биъни багъандан, бегтани разидеш балахъули хлебиаллира, хлуни саби хлукму дурайсуси вирд къабулбиридал хлебиридал.

Ил шайчир хлуни жигарчердеш даклударни багъандан сегъуналра бунагъ лебси ахлен.

АРХИТЕКТУРА

Москвализибси бахъхИла мижит

Архивтазир дихлүти документуназибад багъес вирули къяй-дали, Москвализибси бахъхИла мижит 1823 ибил дуслизиб тлашбатурсири. Ил мерлабиубли саби Халаси Татарская биклүси къа-къализибси 28 ибил номерла юртлизиб

Ит заманала шагъарла къуллукъла адамтани дарибти белкИлазибад багъес вирули сай Москвализиб илис гъалабра бусурмантала мижит лебли биъниличила. Ил мижит 1812 ибил дуслизив Наполеон Москвализи ухИлаверхүрхели ва шагъар цIали бигүбхели, илра заябиубсири.

1816 ибил дусла ноябрьла 26-личибад Москва обер-полицмейстер Шулгинни къулбасбарисби ва генерал-губернатор граф Александр Петрович Тормасовличи бархьибси рапортлизи белкИ саби: «...балахъулра купец Щукинна юрт саблин чеби-ахъуси мерличибси бигүбл заябиубси ва гъяткабиубси юртла мерличиб гъалаб

гъарли-марли мижит бирусир ва ил мер купец татарин Абдиктөвела бирусир».

Мижитла тарихлизибад

1816 ибил дусла августли-чиб Москвализибти купецуни-бусурмант Макай Гябдулов, Надран Измайлов, Мирза Ради Наврузов ва малла Гябдулла Узбеков Россияла «ЧевяхИси Императорличи» Москва шагъарлизиб къаркъализибад барисби бусурмантала мижит тлашбатахъес пурбанбарахъ-



ес дугъабизур, Казаньнизир ва Санкт-Петербурглизир гъанналаурал лертигъунси.



Хала хIякимтани миммарли-чилси мижит тлашбатахъес пурбанхлебарисби, амма булгуси хъали тлашбатахъес ихтияр бедиб. «Москвализиб мижит тлашбаталли, имцIати авара хIедиахъес багъандан» или баянбарисби пачала хIукуматла къуллукъла адамтани чули дурасибси илгъуна хIукму. (Ил баян леб 1817 ибил дусла февральла 21-личибадси князь Голицинни граф Тормасовличи белкIунси кагъарлизиб (№ 959). 1823 ибил дусла ахирличиб купец Хашаловла вегIдешлизибси мерличиб бусурмантала-

татартала жамигIятлис булгес хъали тлашбатахъес пурбанбарисбири. Амма илис мижит бикIахъес пурбанбарисби ахIенри. ДуравадхIерикIухIели, ил мижитличи мешусилира бизс гIягIниси ахIенри.

1823 ибил дусла гIебшни Хашаловла урши, 1-ибил гIилдияла купец Назарбай Гялибаевла ванзала участокличиб хIукуматли чеба-ахьибси тяхIярли татарти-бусурмант булгуси ца дерхIла юрт тлашбатурсири. Ил юртла миммарра лебси ахIенри.

1880 ибил дусла июньничиб татартала жамигIятли, сунесра

Москва губернияла староста Ахун Хайретдин Агиевли бекIдешдируси, мижит сагабарес ихтияр сархиб.

1913 ибил дуслизив Хайретдин-хазрат Агиев вебкIиб ва мижитла имамли ветаур Гябдулла-хазрат Шамсутдин. Совет хIукумат кабизурхIели Гябдулла-хазрат туснакълизи катур ва гIур 1936 ибил дуслизив кавшиб. 1939 ибил дуслизив мижит къяпIбарисби. ИлхIели мижитла миммарра бехъубсири. Ил юртлизи военкомат мерлабарисбири, гIур илизиб типография калун, гIур мастерскаяби дариб.

Перестройкала замана (80-90 ибти дусмазиб) Москвализиб хIербирути бусурмант мижитла юрт бусурмантас чарбарахъес дугъабизур. 1991 ибил дуслизиб ил юрт бусурмантас чарбарисбири.

Мижит илхIели сабри сагабарисби. Илди хIянчи дурадеркIахъес халаси икъала барисбири Россиялизиб Саудовская ГIярабияла посол доктор Гябдел-ГялизихIяжини ва ил улкала культурала министр ИбрагIим аль-Анкарини.

1993 ибил дусла майличиб шадлихIла аги-хIязиб мижит бузесаибсири.

Рузнама

АВГУСТ

дни	утрен.	восх.	обе-денный	после-обед.	вечерн.	ночн.
1	3.37	5.38	12.55	16.52	20.14	21.58
2	3.39	5.40	12.55	16.52	20.13	21.56
4	3.43	5.41	12.55	16.51	20.10	21.53
6	3.47	5.44	12.55	16.50	20.07	21.50
8	3.50	5.46	12.55	16.50	20.05	21.47
10	3.52	5.48	12.54	16.48	20.03	21.42
12	3.55	5.51	12.54	16.47	20.00	21.39
14	3.58	5.53	12.54	16.46	19.58	21.35
16	4.01	5.55	12.52	16.44	19.55	21.30
18	4.05	5.58	12.53	16.43	19.52	21.27
20	4.08	6.00	12.52	16.41	19.48	21.22
22	4.12	6.02	12.52	16.40	19.45	21.18
24	4.14	6.04	12.51	16.38	19.43	21.15
26	4.18	6.07	12.51	16.36	19.39	21.11
28	4.21	6.09	12.50	16.34	19.36	21.06
30	4.25	6.11	12.50	16.33	19.33	21.10

ДАГЕСТАНСКИЙ ИСЛАМСКИЙ УНИВЕРСИТЕТ имени шейха Мухаммада-Арифа и МЕДРЕСЕ имени шейха Мухаммада-Арифа

объявляют прием абитуриентов на 2008/09 учебный год.

Обучение предназначено для получения целостных знаний об Исламе и подготовки квалифицированных служащих культуры исламского вероисповедания, преподавателей, обладающих профессиональным уровнем теоретической и практической подготовки со средним и высшим профессиональным образованием.

В Дагестанский Исламский Университет принимаются юноши и девушки, имеющие среднее (полное) общее образование (11 кл.), в Медресе – основное общее образование (9 кл.).

Поступающие проходят следующие испытания:

- 1.Русский язык (диктант).
- 2.Комплексное собеседование.

ПЕРЕЧЕНЬ ДОКУМЕНТОВ, НЕОБХОДИМЫХ: Для поступления в Университет:

- 1.Аттестат о среднем (полном) общем образовании.
- 2.Копия паспорта.
- 3.Фотокарточка (3х4) – 5 шт.

- 4.Медицинская справка (форма Ф 086).
- 5.Прививочный сертификат (форма Ф156/у-93).
- 6.Рекомендация от имама мечети или руководителя религиозной организации по месту жительства абитуриента.

Для поступления в Медресе:

1. Документ об основном общем образовании (9 кл.) + копия.
2. Копия паспорта – 2 шт.
3. Фотокарточка (3х4) – 5 шт.
4. Медицинская справка (форма Ф 086).
5. Прививочный сертификат (форма Ф 156/у-93).
6. Рекомендация от имама мечети или руководителя религиозной организации по месту жительства абитуриента.

Прием документов с 01 июня до 19 июля 2008 г. Экзамены – с 21 июля.

Обращаться по адресу:

РД, г. Махачкала, ул. Дахадаева, 136 (район Центральной Джума-мечети), тел.: (8722) 67-55-08.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ

заместитель муфтия РД Мухаммад ДАВУДОВ

Редактор

Патимат ВАГИДОВА

Канонический редактор

Гарун ДЖАГУМОВ

Верстка

Асият ХАНОВА
Ахмед МАГОМЕДОВ

Набор

Тавсултан САИДОВ

Менеджер

Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 12 июля 2008 г.

Тираж 3700 экз.

Адрес редакции

367015, РД, г. Махачкала, ул. М. Ярагского, 128. Тел.: (8722) 61-00-64.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: info@assalam.ru; www.assalam.ru